

V I R O  
*Magnifico, Nobilissimo, Amplissimo*  
*Consultissimoque*  
D O M I N O  
**JOANNI**  
**GODOFREDO**  
**ROESNERO,**

*Burggrabio Regio, Pro-Cons. & Proto-*  
*Scholarchæ*

In Regia hac Civitate Thorunensi,

Longe meritissimo gravissimoque


*De feliciter redeunte Nominali Die*

d. 24. Junii M.DCCXIV.

Rudi quidem Carmine, sed demissa mente

Gratulabantur

**GYMNASII THORVNENSIS**  
**TRIUM SUPERIORUM CLASSIUM**  
**AUDITORES.**



THORVNII, impressit Joh. Nicolai, NOBIL, SENAT. & GYMN. Typogr.

C 246.



**P**elle metum solitum, qui corda perurit, & effer  
 Cladibus afflictum, Clara Thoruna, caput.  
 Indue paullisper faciem inter bella serenam,  
 Nam nulli fas est hoc gemuisse die.  
 Parce genis igitur, gemebundis parce querelis,  
 Postque graves planctus carmina lata cane.  
 Vos quoque quæ colitis nostri sacra culmina Pindi,  
 Pierides, dulci fundite voce melos.  
 Sumite jam citharamque levem, chordasque sonoras,  
 Hactenus in latebris quæ latuere suis.  
 Carmine sic Pindus resonet, montesque propinqui  
 Multiplici repetant gaudia vestra sono.  
 Talia nam poscunt præsentis festa diei  
 Talia noster amor cum pietate iubet.  
 Talia Magnifici poscunt benefacta Patroni,  
 Talia cum Musis Tota Thoruna cupit.  
 Quis vero tantas poterit describere laudes,  
 Nomina vel tanti concelebrare Viri?  
 Vix Maro divinus, vel doctus Horatius illas  
 Scriberet, aut numeri, culte Tibulle, tui.  
 Scilicet ille sibi meritis devinxerat omnes,  
 Quos fovet in gremio patria nostra suo.  
 Nam licet horrendus vibret sua fulmina Mavors,  
 Urat & ancipiti mœnia nostra malo;  
 Quamvis flammivomus consumat mulciber ædes,  
 Nostraque divexet prædia miles atrox:  
 TU tamen in tantis omni ratione ruinis  
 Conservas cives, Magne Patrone, tuos.  
 Mens TIBI firma manet, seu fluctu turgeat æquor,  
 Seu ducas placido candida vela mari.  
 Ut stans in dubiis undis expositaque vento  
 Rupes, infestis firma resistit aquis.

Ut

Ut qu  
 Co  
 Sic T  
 Sa  
 Terra  
 Pe  
 Acce  
 Ju  
 Consi  
 M  
 Plur  
 Et  
 Quia  
 Pl  
 Iam  
 Pa  
 Pars  
 Pr  
 Quia  
 G  
 Pieri  
 B  
 Pana  
 Q  
 Func  
 N  
 Qui  
 A  
 Ut lic  
 In  
 Qua  
 Tr



Ut quæ robustis quercus radicibus hæret,  
Contemnit vires, Æole dure, tuas.  
Sic TU sanguinei funesta pericula Martis  
Sævaq; Bellonæ temnere verba soles.  
Terribilesque proci quas hostis spirat ab ore,  
Pectore constanti despicias usque minas.  
Accedit Pietas vitæ integritasque probata,  
Juris & antiquæ Religionis amor;  
Consilii plenum pectus, Prudentia rerum  
Maxima, sermonis gratia, mira Fides.  
Pluraque, quæ fida dum laudant mente clientes,  
Et patrius tacito civis honore colit;  
Quid mirum, si læta canat TUA nomina, & istum  
Plausibus excipiat Tota Thoruna diem.  
Iam querulo cives solvunt sua pectora luctus;  
Pars cantat laudes, Summe Patrone, tuas:  
Pars Tibi præsentis gratatur festa diei,  
Proque salute TUA candida vota capit.  
Quinimo nitidus Musarum Præses Apollo,  
Gaudia non potuit dissimulare sua.  
Pieridumque choro medius dum sedet in alto  
Bellerophonteï culmine montis, ait:  
Pandite nunc Heliconæ sacrum plaususque ciete,  
Quæ colitis Pindi limina docta Deæ.  
Fundite ROESNERI dulci modulamine laudes,  
Nomen & EXIMII condecorate VIRI.  
Qui nostras inter sævi discrimina Martis  
Artes præclare promovet atque fovet.  
Ut licet in mediis belli flammæque ruinis  
In placido maneant pulpita nostra statu.  
Quam male convenient alias cum milite Musæ,  
Tristia ludorum fata docere queunt.

Quos



Quos cum disjiciant crudelis fulmina belli  
Squalida barbariae secla redire solent.  
Sic quoque Thorunii quas vidimus haecenus artes  
Debuerant charum deseruisse locum,  
Ni pia ROESNERI virtus curasset, ut ipsis  
Jam profugis sedes tuta parata foret.  
Hunc ego, cum nostros non ultimus inter alumnos  
Assidua tereret dogmata nostra manu,  
Talem praevidi, qualem nunc esse videtis,  
Saepeque praedixi, cara Thalia, Tibi.  
Nec mea me quondam vel spes concepta fefellit,  
Vel quae tunc vobis vaticinatus eram.  
Iam Noster dignis maclatur honoribus, atque  
Rarae virtutis praemia larga tulit.  
Vos tamen interea tantum celebrare Patronum  
Et grates memori mentem referre decet.  
Dixerat, & tenues intendens pollice nervos  
Edidit Aonio pectine dulce melos.  
Insequitur cantus, vocum discordia concors,  
Carminemox dulci personat omne jugum.  
Tale quidem doctus cantabat carmen Apollo  
Talesque edebat turba novena sonos.  
Quid vero noster Pindus quid nostra Camæna  
Affert, cui semper barbitara uca sonant?  
Magna quidem voluit conscribere carmina, sed non  
In faciles numeros cogere verba potest.  
Ergo Tibi Musæ placeat demissa voluntas,  
Quæ pro carminibus vota precesque tulit.  
Æthereum Numen quod tempora cuncta diesque  
Dirigit, hunc jubeat sæpe redire diem.  
Ut possis canos attingere Nestoris annos,  
Et varia semper prosperitate frui.

os(O)se